

Nr. 539

1410

28. desember 1990

3. gr.

Reglugerð þessi er sett samkvæmt heimild í 8. gr. laga nr. 39/1988, um bifreiðagjald og öðlast þegar gildi.

*Fjármálaráðuneytið, 28. desember 1990.*

F. h. r.

**Magnús Pétursson.**

*Snorri Olsen.*

Nr. 540

28. desember 1990

## REGLUGERÐ

**um afnám reglugerðar um kaup og sölu lyfja í heildsölu nr. 399/1990.**

1. gr.

Reglugerð nr. 399, 5. október 1990 um kaup og sölu lyfja í heildsölu, sem taka átti gildi 1. janúar 1991, er felld úr gildi.

2. gr.

Reglugerð þessi öðlast þegar gildi.

*Heilbrigðis- og tryggingamálaráðuneytið, 28. desember 1990.*

**Guðmundur Bjarnason.**

*Páll Sigurðsson.*

Nr. 541

13. desember 1990

## SKIPULAGSSKRÁ

**fyrir umönnunar- og hjúkrunarheimilin EIR.**

1. gr.

Neðanskráð sveitarfélög, félagasamtök og stofnanir stofna hér með sjálfseignarstofnun, sem ber nafnið: EIR

Reykjavíkurborg  
Seltjarnarnesbær  
Samtök blindra og blindravina  
Sjómannadagurinn í Reykjavík og Hafnarfirði  
Sjálfseignarstofnunin Skjól  
Verzlunarmannafélag Reykjavíkur  
Félag aðstandenda alzheimersjúklinga

Stofnfé er kr. 365 000.00 og skal það haldast óskert. Eignir stofnunarinnar eru þau framlög í reiðufé eða öðrum verðmætum sem berast og safnað verður til byggingar

hjúkrunarheimila fyrir aldraða. Að undanskildu stofnfé samkvæmt lögum bera stofnendur engar fjárhagslegar skuldbindingar vegna sjálfseignarstofnunarinnar, aðrar en þær sem ákveðnar verða í sérstökum starfssamningum, sbr. 7. gr.

Skuldir eru engar. Heimili og varnarþing er í Reykjavík.

#### 2. gr.

Markmið og hlutverk stofnunarinnar er:

Að reisa og reka hjúkrunarheimili, er veitir öldruðum umönnun og hjúkrun.

Markmiði þessu hyggst stofnunin ná með því að:

- a. afla fjár meðal einstaklinga, fyrirtækja, samtaka og stofnana.
- b. leita eftir framlagi úr hendi stjórnvalda, sbr. lög um málefni aldraðra og önnur lög er málið varðar.
- c. leita eftir samstarfssamningum.

#### Um fulltrúaráð.

##### 3. gr.

Hver stofnandi velur 3 menn til 4 ára setu í fulltrúaráði, sem fer með stjórn stofnunarinnar og 2 til vara, nema Reykjavíkurborg sem velur 7 fulltrúa og 4 til vara. Fundir fulltrúaráðs skulu haldnir ekki sjaldnar en tvisvar á ári. Fundi fulltrúaráðs skal boða með viku fyrirvara í ábyrgðarbréfi, eða á annan sannanlegan hátt. Fundur er lögmatgur ef löglega er til hans boðað.

##### 4. gr.

Hlutverk fulltrúaráðsins er að:

- a. fylgjast með rekstri og vera tengiliður milli stjórnar og stofnenda.
- b. kjósa stjórn og endurskoðendur.
- c. setja stofnuninni þær reglur sem nauðsyn krefur.

#### Um stjórn.

##### 5. gr.

Stjórn stofnunarinnar skal skipuð 7 mönnum og jafnmörgum til vara. Kjörtímabil stjórnar skal vera 4 ár. Formann skal kjósa sérstaklega, enda er hann jafnframt formaður fulltrúaráðs og boðar fundi þess. Meðstjórnendur skal kjósa í einu lagi svo og varamenn. Skykt er að boða fulltrúaráð til fundar ef tveir stofnenda óska þess eða endurskoðendur gera um það tillögu. Á fyrsta fundi eftir stjórnarkjör skal stjórnin skipta með sér verkum. Forfallist formaður tekur varaformaður sæti hans.

##### 6. gr.

Stjórn stofnunarinnar fer með fjármál hennar og annast framkvæmdir, ræður forstjóra, hjúkrunarforstjóra, lækna og aðra stjórnendur. Stjórnin ræður löggiltan endurskoðanda í samráði við kjörna endurskoðendur. Árlega skal gera reikning stofnunarinnar samkvæmt góðum reikningsskilavenjum.

#### Um samstarfssamninga.

##### 7. gr.

Óski einhver aðili eftir samstarfi í þá veru að tryggja vistrými fyrir aldraða með því að greiða stofnkostnað slíks rýmis, skal stjórnin gera um það sérsamning við hlutaðeigandi aðila.

**Um vistun.**

8. gr.

Stjórn heimilisins ákveður hvernig vistun skuli háttáð og setur reglur þar um. Þeir einir skulu vistaðir sem uppfylla skilyrði laga og reglugerða um vistun.

**Starfsemi er hætt.**

9. gr.

Telji fulltrúaráðið sér ekki fært að annast rekstur stofnunarinnar eða hluta hennar áfram, skal hverjum einstökum stofnaðila gefinn kostur á að taka við rekstri, enda verði hlutverk óbreytt. Að þeim frágengnum fellur stofnunin með öllum eignum hennar til ríkisins með þeirri kvöð að hún verði áfram nýtt í þágu aldraðra.

**Um nýja aðila.**

10. gr.

Heimilt er að fjölga aðilum með samþykki allra stofnenda. Hætti einhver aðili stofnunarinnar störfum, fækkar fulltrúum í fulltrúaráði að rétttri tiltölu.

**Breyting á skipulagsskrá.**

11. gr.

Skipulagsskrá þessari verður ekki breytt nema atkvæði 75% fulltrúaráðsmanna falli á þann veg, enda hljóti breytingin staðfestingu rétttra yfirvalda.

Þannig staðfest á stofnfundi sjálfseignarstofnunarinnar EIR þann 31. ágúst 1990.

Páll Gíslason, formaður  
Sigurður Helgi Guðmundsson, varaform.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytið, 13. desember 1990.*

F. h. r.

**Þorsteinn Geirsson.**

---

*Fanney Óskarsdóttir.*